



欽定續通典卷三十二

職官

武官上

將軍總敘

唐肅宗至德以後十六衛及六軍

左右龍武左右神武左右神策號為六軍

大將軍將軍員數無所改置

已詳杜佑通典

宋左右金吾衛左

右衛左右驍衛左右武衛左右屯衛左右衛官軍衛左

右監門衛左右千牛衛俱有上將軍大將軍將軍為環

衛官無定員名雖沿唐制而別無所領其禁軍皆隸三

欽定續通典

卷三十二

一

衛

殿前司及侍衛馬軍步軍二司為三衛

其驃騎輔國鎮國冠軍懷化五

大將軍雲麾歸德忠武壯武宣威明威定遠寧遠遊騎

遊擊十將軍皆為武散官遼北面官北大王院詳袞司

有北院將軍北院小將軍南大王院有南院將軍南院

小將軍近侍詳袞司有近侍將軍近侍小將軍宿值司

有宿值將軍宿值小將軍四帳都詳袞司有將軍小將

軍錫里司有錫里將軍錫里小將軍約尼紉詳袞司有

約尼紉將軍約尼紉小將軍國舅伊蘇濟勒翁帳詳袞

司有國舅本族將軍國舅本族小將軍部族詳袞司有



部族將軍部族小將軍大詳袞司有將軍小將軍大將軍府有大將軍小將軍將軍小將軍西南路巡察司有西南路巡察將軍其屬國有某國將軍某國小將軍遼制將軍本非崇秩位多在詳袞都監之下惟大將軍府各統所治軍之政令故以大將軍統之而小將軍及將軍小將軍屬焉其南面官各衛亦有大將軍上將軍將軍金制置殿前都點檢有左右衛將軍副將軍宿值將軍侍衛將軍其左右屯衛將軍左右領軍衛大將軍千牛將軍殿前侍御衛大將軍專值扈從其龍虎衛金吾

衛驃騎衛三上將軍奉國輔國鎮國三上將軍昭武昭毅昭勇安遠定遠懷遠六大將軍廣威宣威明威信武顯武宣武武節武德武義武畧十將軍皆爲武臣散官章宗泰和六年伐宋權設平南撫軍上將軍平南冠軍大將軍平南龍驤將軍平南虎威將軍平南盪江將軍軍還卽罷元監門大將軍將軍武衛將軍左右衛大將軍將軍金吾大將軍將軍羽林將軍殿前將軍領軍將軍夾輅將軍皆扈從官殿內將軍殿外將軍宿直將軍皆執事官其龍虎衛金吾衛驃騎衛奉國輔國鎮國六

上將軍昭武昭勇昭毅安遠定遠懷遠六大將軍廣威
宣威明威信武顯武宣武武節武德武義武畧十將軍
亦爲武臣散官明洪武中命徐達爲大將軍有節鉞其
後總兵掛印稱將軍者雲南曰征南將軍大同曰征西
前將軍湖廣曰平蠻將軍兩廣曰征蠻將軍遼東曰征
東前將軍宣府曰鎮朔將軍甘肅曰平羌將軍寧夏曰
征西將軍交趾曰副將軍延綏曰鎮西將軍又各總兵
官下有遊擊將軍京營有佐擊將軍其驃騎金吾龍虎
鎮國定國奉國昭勇昭毅昭武懷遠定遠安遠明威宣
威廣威宣武顯武信武武德武節武畧武毅各將軍皆
武臣散階之職無所職掌

左右衛 并親衛

唐制左右衛上將軍各一人大將軍各一人將軍各三
人掌宮禁宿衛凡五府三衛及折衝驍騎番上者受其
名簿而配以職皇帝御正殿則守諸門及內廂宿衛仗
非上曰亦將軍一人押仗將軍缺以中郎將代將軍掌
貳上將軍之事宋左右衛亦有上將軍大將軍爲環衛
官無定員皆命宗室爲之亦爲武臣之贈典大將軍以

下又爲武臣責降散官徽宗政和中改武臣官制而環衛如故蓋雖有四十八階別無所領故也宋制禁兵分隸殿前及侍衛兩司所稱十二衛將軍皆空官無實高宗時多不除授孝宗隆興中始命學士洪遵等討論典故復置十六衛號環衛官以承宣使領左右衛上將軍在內則兼帶在外則不帶正任爲上將軍遙郡爲大將軍正親兄弟子孫試充又詔祖宗諸后自明肅至欽慈諸后及后妃嬪御之家各具本宗堪充諸衛官以名衛聞其殿前司有都指揮使副都指揮使都虞候各一人

欽定續通典

卷三十一

四

掌殿前諸班直及步騎諸指揮之名籍凡統制訓練番衛戍守遷補賞罰皆總其政令而有都檢點副都檢點之名在都指揮之上後不復置入則侍衛殿陞出則扈從乘輿大禮則提點編排整肅禁衛鹵簿儀仗掌宿衛之事都指揮使以節度使爲之副都指揮使都虞候以刺史以上充資序淺則主管本司公事馬步軍亦如之備則通治闕則互攝其騎軍有殿前指揮使內直散員散指揮散都頭散祇候金鎗班東西班散直鈞容直及捧日以下諸軍指揮步軍有御龍直骨朶子直弓箭直

弩直及天武以下諸軍指揮其諸班有都虞候指揮使
都軍使都知副都知押班其御龍諸直有四直都虞候
本直各有都虞候指揮使副指揮使都頭副都頭十將
將虞候騎軍步軍有捧曰天武左右四廂都指揮使捧
曰天武左右廂各有都指揮使每軍有都指揮使都虞
候每指揮有指揮使副指揮使每都有軍使副兵馬使
十將將虞候承局押官各以其職隸於殿前司渡江後
都指揮間虛不除則以主管殿前司一員任其事專掌
諸班直禁旅扈衛之事捧曰天武四廂隸焉宿衛親兵

欽定續通典

卷三十二

五

並聽節制其下有統制統領將佐等分任其事初渡江
時制多草創各衛之制未備稍稍招集填置三帥資淺
者各有主管某司公事之稱又別置御營司擢王淵爲
都統制其後外州駐劄又有御前諸軍都統制之名又
併入神武軍以舊統制統領改充殿前統制統領官淳
熙以後四廂之職多虛而殿前職司有權管幹有時暫
照管之號愈非乾道以前之比矣其侍衛親軍馬軍及
步軍各有都指揮使副都指揮使都虞候各一人各掌
其本軍諸指揮之名籍凡統制訓練番衛戍守遷補賞

罰皆總其政令侍衛扈從及大禮宿衛所掌如殿前司馬軍自龍衛而下有左右四廂都指揮龍衛左右廂各有都指揮使每軍有都指揮使都虞候每指揮有指揮使副指揮使每都有軍使副兵馬使十將將虞候承局押官各以其職隸於馬軍司高宗建炎已後復置主管侍衛馬軍司一人掌出入扈衛守宿之事步軍自神衛左右四廂而下其設官及職掌與馬軍同建炎後復置主管侍衛步軍司一人所掌與侍衛馬軍司同遼北面官侍衛司掌御帳親衛之事有侍衛太師侍衛太保侍

欽定續通典

卷三十二

六

衛司徒侍衛司空侍衛北護衛府掌北院護衛之事有北護衛太師北護衛太保北護衛司徒總領護衛司有總領左右護衛左護衛司有左護衛太保左護衛右護衛司有右護衛太保右護衛其南護衛府設官亦如之宿衛司專掌宿衛之事有總宿衛事亦曰典宿衛事總知宿衛事同掌宿衛事宿衛官禁衛局有總禁衛事禁衛長宿直司掌輪直官員宿直之事有宿直詳袞宿直都監宿直將軍宿直小將軍宿直官宿直護衛皆爲北面御帳官南面官有左右衛大將軍

聖宗開泰七年皇子宗簡爲右衛大

將軍 上將軍金熙前左衛將軍副將軍殿前右衛將軍副

將軍掌宮禁及行從宿衛警嚴仍總領護衛又有左右

宿直將軍掌總領親軍皆隸殿前都點檢司其殿前都

點檢兼侍衛將軍都指揮使掌行從宿衛關防門禁督

攝隊仗總判司事殿前左副都點檢兼侍衛將軍副都

指揮使右副都點檢同專掌宮掖及行從元世祖至元

八年改侍衛為右衛掌宿衛扈從及屯田

凡屯田各官詳見諸卿司

寺國有大事則調度之二十年置都指揮使一人副都

指揮使一人二十一年置僉事二人成宗大德十一年

已後增省不一後定置都指揮使三人副都指揮使二

人僉事二人左衛中衛官職省置畧與右衛同前衛後

衛置於至元十六年設官與左衛同又置右阿蘇衛親

軍都指揮使司掌宿衛城禁置達嚕噶齊一人都指揮

使三人副都指揮使二人僉事二人

其屬有經歷知事承發架閣照磨等官

其左阿蘇衛親軍都指揮使司設官職掌與右阿蘇衛

同皆隸樞密院其左右衛大將軍將軍皆為扈從執事

之官明京衛指揮使司指揮使一人指揮同知二人指

揮僉事四人鎮撫司鎮撫二人

其屬經歷知事吏目並大使副使各一人

番直宿衛各親軍者二十有六曰錦衣衛

主巡察緝捕
理詔獄以都

督都指揮領之蓋
特異於諸衛焉

曰旗手衛曰金吾前衛曰金吾後衛

曰羽林左衛曰羽林右衛曰府軍衛曰府軍左衛曰府

軍右衛曰府軍前衛曰府軍後衛曰虎賁左衛

是為上
十二衛

太祖洪
武中置

曰金吾左衛曰金吾右衛曰羽林前衛曰燕山

左衛曰燕山右衛曰燕山前衛曰大興左衛曰濟陽衛

曰濟州衛曰通州衛

是為上十衛成
祖永樂中置

曰騰驤左衛曰騰

驤右衛曰武驤左衛曰武驤右衛

宣宗宣德
八年置

因番上宿

衛故名親軍不隸五都督府其京衛隸都督府者三十

欽定續通典

卷三十二

八

有三曰留守左衛曰鎮南衛曰驍騎右衛曰龍虎衛曰

瀋陽左衛曰瀋陽右衛隸左軍都督府曰留守右衛曰

虎賁右衛曰武德衛隸右軍都督府曰留守中衛曰神

策衛曰應天衛曰和陽衛隸中軍都督府曰留守前衛

曰龍驤衛曰豹韜衛隸前軍都督府曰留守後衛曰鷹

揚衛曰興武衛曰大寧中衛曰大寧前衛曰會州衛曰

富峪衛曰寬河衛曰神武左衛曰忠義右衛曰忠義前

衛曰忠義後衛曰義勇右衛曰義勇前衛曰義勇後衛

曰武城中衛曰蔚州左衛隸後軍都督府又京衛非親

軍而不隸都督府者十有五曰武功中衛曰武功左衛
曰武功右衛隸工部曰永清左衛曰永清右衛曰彭城
衛曰長陵衛曰獻陵衛曰景陵衛曰裕陵衛曰茂陵衛
曰泰陵衛曰康陵衛曰永陵衛曰昭陵衛
長史唐置一人掌判諸曹五府外府廩祿卒伍軍團之
名數器械車馬之多少宋遼金元明皆無之

錄事參軍唐置一人掌受諸曹及五府外府之事勾稽
抄目印給紙筆宋遼金皆無之元各衛置經歷二人知
事二人照磨二人明諸衛亦有經歷知事吏目各一人

欽定續通典

卷三十二

九

倉曹參軍唐置二人掌五府文官勲考假使祿俸公廩
田園食料醫藥宋遼金元皆無明諸衛有倉大使副使
各一人

兵曹參軍唐置二人宋遼金元明皆無

騎曹參軍唐置一人宋遼金元明皆無

胄曹參軍唐置一人宋遼金元明皆無

親衛唐置親衛之府一曰親府勲衛之府二曰勲一府

曰勲二府翊衛之府二曰翊一府曰翊二府凡五府每

府中郎將一人左右郎將一人兵曹參軍事各一人凡

中郎將掌領校尉旅師親衛勳衛之屬宿衛者而總其
府事其左右中郎將貳焉宋三衛官置郎一人秩比中
大夫中郎爲之貳文武各一人秩比朝議大夫博士二
人主簿一人其親衛府郎十人中郎十人親衛官以后
妃嬪御之家有服親及翰林學士并管軍正任觀察使
以上子孫爲之勳衛府郎十人中郎十人以勳臣之世
賢德之後有服親大中大夫以上及正任團練使遙郡
觀察使以上子孫爲之翊衛府郎二十人中郎二十人
文武各四十人以卿監正任刺史遙郡團練使以上子
孫爲之凡三衛郎治其府之事率其屬曰直於殿陞長
在左立起居郎之前貳分左右文東武西立都承旨之
後仗退治事於府博士掌教道校試三衛所習文武之
藝親衛立於殿上兩旁勳衛立於棗殿翊衛立於兩階
衛士之前遼南面官亦有親衛勳衛翊衛金元親衛翊
衛皆扈從之官明不設

左右驍衛

唐制左右驍衛上將軍各一人大將軍各一人將軍各
二人掌同左右衛所置官屬亦與左右衛同宋左右驍

衛亦有上將軍大將軍將軍並爲環衛官無定員與左右衛將軍同遼南面官亦有左右驍衛大將軍上將軍將軍金元皆無

明諸衛詳載左右衛內

左右武衛

唐制左右武衛上將軍各一人大將軍各一人將軍各二人掌同左右衛所置官屬亦與左右衛同宋左右武衛亦有上將軍大將軍將軍並爲環衛官無定員與左右衛將軍同遼南面官亦有左右武衛

聖宗統和十二年加王繼忠左

武衛上將軍金無之元武衛親軍置都指揮使司至元二十

欽定續通典

卷三十二

十一

六年樞密院以六衛六千人大都屯田三千人近路迤南萬戶府一千人總一萬人立武衛設官五員成宗元貞大德年間累增都指揮使四人武宗至大三年省四人後定置衛官達嚕噶齊一人都指揮使三人副都指揮使二人僉事二人其屬經歷二人知事二人照磨一人屬樞密院其武衛將軍爲扈從執事之官

明諸衛詳載左右衛

中

左右威衛

唐制左右威衛上將軍各一人大將軍各一人將軍各

二人掌同左右衛所置官屬亦與左右衛同宋無威衛
有屯衛上將軍大將軍將軍亦爲環衛官遼南面官有
左右威衛金亦無之元左都威衛使司使三人副使二
人僉事二人經歷知事照磨各一人其右都威衛設官
與左都威衛同

明諸衛詳載
左右衛中

左右領軍衛

唐制左右領軍衛上將軍各一人大將軍各一人將軍
各二人掌同左右衛宋無領軍衛有左右衛官軍衛上
將軍各一人大將軍各一人將軍各二人爲環衛官無
定員與左右衛將軍同遼南面官亦有左右領軍衛金
左右領軍衛大將軍專直扈從元領軍將軍亦專直扈
從明不設

左右金吾衛

唐制左右金吾衛上將軍各一人大將軍各一人將軍
各二人掌宮中京城巡警烽候道路水土之宜其官屬
與左右衛同宋左右金吾衛有上將軍大將軍將軍爲
環衛官無職掌往往以節度司領左右金吾衛上將軍
又置皇城司幹當官七人以武功大夫以上及內侍都

知押班充掌宮城出入之禁令凡周廬宿衛之事宮門
啟閉之節皆隸焉每門給銅符二鉄牌一以時參驗而
啟閉之總親從親事官各籍辨其宿衛之地以均其番
直人物僞冒不應法則譏察以聞遠北面官設御帳官
詳見左
右衛南面官有左右金吾衛金宮城諸門衛禁掌於

殿前司左右宿直將軍又置武衛都指揮使司有都指
揮使副都指揮使副都判官等官掌防衛都城警捕盜
賊其屬有鈐轄司鈐轄十人都鈐轄四人都將二十人
掌管轄軍人防衛警捕之事其執掌與唐金吾衛同其

欽定續通典

卷三十一

三

金吾衛上將軍爲武臣散官元置哈刺婁萬戶府達嚕
噶齊一人萬戶一人掌守禁門等處應直宿衛隸大都
督府其大都留守司亦掌守衛宮闕及門禁關鑰啟閉
之事所屬城門尉凡十有一門每門設尉一人副尉二
人至元二十年置以四集賽巴爾噶齊爲之二十四年
復以六衛親軍參掌上都留守司亦同不設尉其金吾
衛上將軍爲武臣散官大將軍將軍爲扈從執事官明
洪武三年置留守衛指揮使司專領軍馬守禦各城門
及巡警皇城與城垣造作之事後陞爲留守都衛統轄

天策豹韜飛熊鷹揚江陰廣洋橫海龍江水軍左右十衛八年復爲留守衛與天策等八衛俱爲親軍指揮使司並隸大都督府十一年改爲留守中衛增置左右前後四衛仍爲親軍十三年始分隸五都督府其金吾羽林等十九衛亦掌守衛巡警

左右監門衛

唐置左右監門衛上將軍各一人大將軍各一人將軍各二人掌諸門禁衛及門籍文武官九品以上每月送籍於引駕仗及監門衛衛以帳報內門凡朝參奏事待詔官及繖扇儀仗出入者閱其數行幸則率屬於衙門監寺宋左右監門衛有上將軍大將軍將軍爲環衛官無定員與左右衛將軍同遼南面官亦有左右監門衛金不設元監門大將軍將軍爲扈從執事官明無

左右千牛衛

唐制左右千牛衛上將軍各一人大將軍各一人將軍各二人掌侍衛及供御兵仗以千牛備身左右執弓箭宿衛以主仗守戎器朝日領備身左右升殿列侍親射則率屬以從凡御仗之物二百一十有九羽儀之物三

百宋左右千牛衛有上將軍大將軍將軍爲環衛官無定員與左右衛將軍同又有帶御器械選三班以上武幹親信者佩橐鞬御劍或以內臣爲之止名御帶真宗咸平元年改爲帶御器械仁宗景祐二年詔自今無得過五六人慶厯元年詔遇闕員會歷邊任有功者補之南渡已後諸將在外皆帶職蓋假禁近之名爲軍旅之重高宗紹興二十九年詔中外舉薦武臣無闕可處增置帶御器械四人然近侍亦或得之亦唐千牛衛之職也遼南面官有左右千牛衛聖宗太平四年見千牛衛將軍蕭順金直仗

欽定續通典

卷三十二

之官掌於殿前都點檢司無千牛衛其千牛將軍專直

扈從元直仗之官卽在五衛

左右前後中五衛詳見左右衛

無千牛衛

明錦衣衛凡朝會巡幸率大漢將軍

共一千五百七人

侍從扈

行宿衛則分番入直朝日夕月耕藉視牲則服飛魚服

佩繡春刀侍左右其府軍前衛掌統領切軍輪番帶刀

侍衛又有騰驤等衛掌帥力士直駕隨駕

左右羽林衛

唐制左右羽林軍大將軍各一人將軍各三人掌統北

衙禁兵督攝左右廂飛騎儀仗大朝會則周衛階陛巡

幸則夾馳道爲內仗凡飛騎番上者配其職宋禁兵悉隸殿前及侍衛兩司詳見左右衛無羽林衛遼南面官有左右羽林軍金不設元羽林將軍爲扈從執事官明無

左右龍武將軍左右神武等軍附

唐制左右龍武軍大將軍各一人統軍各一人將軍三人德宗興元元年六軍各置統軍貞元元年曾將軍一人其掌同羽林左右神武軍大將軍各一人統軍各一人將軍三人總衙前射生兵左右神策軍大將軍各一人統軍各二人將軍三人掌衛兵及內外八鎮奕昭宗

欽定續通典

卷三十二

十六

天復三年廢神策軍四年復置宋親軍皆隸侍衛二司詳見左右衛遼南面官有左右龍虎軍左右神武軍左右神策軍左右神威軍金龍虎衛上將軍爲武臣散官元龍虎衛上將軍亦爲武臣散官明龍虎將軍亦武臣之散階無專職

欽定續通典卷三十二

欽定續通典卷三十三

職官

武官下

大將軍

并官屬

唐制十六衛皆有大將軍

互見十
六衛

其左右衛左右驍衛

左右武衛左右威衛左右領軍衛左右金吾衛左右監

門衛左右千牛衛左右羽林軍各大將軍皆正三品左

右龍武軍左右神武軍左右神策軍各大將軍皆正二

品已非漢魏晉宋北齊時之崇秩矣其驍騎輔國鎮軍

欽定續通典

卷三十三

一

冠軍懷化歸德六大將軍為武臣散階無所職掌宋左

右金吾衛左右衛左右驍衛左右武衛左右屯衛左右

衛官軍衛左右監門衛左右千牛衛各有大將軍

互見
十六

衛在上將軍之下為環衛官無定員皆空官無實故南

渡初多不除授孝宗復置十六衛設大將軍等官

具左
右衛

篇

其驍騎等五大將軍

具總
敘篇

皆為武臣散階遼北面官

將軍本非要職建置較前代獨多唯大將軍府統所治

軍之政有大將軍以領之其五押招討司亦有大將軍

視各詳袁司之將軍為較重焉南面官各衛俱有大將

軍五見十 在上將軍之上金殿前侍御衛大將軍僅為

儀衛扈從之官其昭武等六大將軍具總亦為武臣散

階并非武階之崇職章宗泰和六年置平南冠軍大將

軍暫設卽罷元監門及左右衛金吾三大將軍亦係儀

衛扈從官其昭武等六大將軍階秩與金同明初命徐

達為大將軍授節鉞訖出勒所部建牙鳴鼓角正行列

擊節鉞鼓吹前導百官以次送其時大將軍任重職專

儀亦極盛他如常遇春等不過稱副將軍焉時徐達為大將軍遣

人自軍中請事上勞之曰將軍忠義出於天性雖古豪

傑之士不能過今所請事悉欲稟命而行此賢臣事君

欽定續通典 卷三十三 二

之道所請事多可行 後成國公朱能征安南亦為大將

者將軍從宜行之 軍凡有大征討率以五府中軍左軍右軍前軍後軍為五府每府有左右都督都督

同知都督僉事都督及公侯伯充大將軍蓋隋以前之大將軍

其位或在三司上或次三司下或與大司馬同秩兼理

政事故置掾屬唐以後或為環衛官或為武臣散階之

官或為儀衛扈從之官不開府無掾屬明徐達雖特拜

大將軍禮數殊異然亦統軍馬專征討而已亦不設掾

屬

車騎將軍

車騎將軍唐已無之宋遼金元明皆無

前後左右將軍

前後左右將軍唐已無之宋遼金元皆無明總兵掛印

稱將軍者

明制總兵官副總兵參將遊擊將軍守備把總無品級無定員總鎮一方者為鎮守獨鎮

一路者為分守各守一城一堡者為守備與主將同守一城者為協守又有提督提調巡視備禦領班備倭等名凡總兵副總兵率以公侯伯都督充之大同曰征西前將軍遼東曰征東

前將軍皆外鎮之銜名亦非唐以前之前後左右將軍

也

四征將軍

欽定續通典

卷三十三

三

四征將軍

征東征西征南征北號為四征

唐已無之宋遼金元皆無之

明總兵掛印稱將軍者雲南曰征南將軍

太祖洪武中命潁川侯傅

友德為征南將軍率三十萬眾征雲南遂城烏撒得七星關以通畢節又克可渡河於是東川烏蒙芒部諸蠻

望風降附又廖永忠充征南將軍率舟師取兩廣永忠自福州遣人諭何真真以廣循惠降破邵宗愚山寨獲

宗愚等諸郡相繼降繳諭九真日南朱崖儋耳三十餘城皆納印請吏又顧寰為征南將軍鎮貴州征五開六

洞一百三十七寨悉平又沐璘為征南將軍由副指大揮陞右都督充總兵官掛將軍印繼沐琮鎮守雲南

同日征西前將軍兩廣曰征蠻將軍寧夏曰征西將軍

陳懋佩征西將軍印為總兵鎮守寧夏至鎮號令一新凡降附者撫綏之務得其歡心又周尙文拜征西將軍鎮守寧夏歷鎮山西延綏俱有戰功鎮大同條

上禦敵四十餘事修補墻堡七百里墾田五萬

四鎮將軍

四鎮將軍 鎮東鎮西鎮南 唐時已無宋遼金元皆無之

明掛印總兵官稱將軍者宣府曰鎮朔將軍延綏曰鎮

西將軍 其稱鎮守而不加將軍銜者鎮守薊州總兵官

一人穆宗隆慶二年改為總理練兵事務兼鎮

守駐三屯營協守副總兵三人鎮守遼東總兵官一人

舊設駐廣寧隆慶元年合冬月移駐河東遼陽遼中之

地調度防禦應援海州瀋陽協守副總兵一人鎮守保

定總兵官一人孝宗弘治十八年初設保定副總兵後

改為參將武宗正德九年復為分守副總兵世宗嘉靖

二十年改為鎮守三十年改設鎮守總兵官神宗萬曆

元年合春秋兩防移駐浮圖峪遇有警移駐紫荆關以

備入援鎮守宣府總兵官一人協守副總兵一人鎮守

大同總兵官一人協守副總兵一人鎮守山西總兵官

一人嘉靖二十年改設駐寧武關防秋移駐陽方口防

冬移駐偏關協守副總兵一人鎮守延綏總兵官一人

協守副總兵一人鎮守寧夏總兵官一人協守副總兵

一人鎮守甘肅總兵官一人協守副總兵一人分守副

總兵一人鎮守陝西總兵官一人舊駐會城後移駐固

原分守副總兵一人鎮守四川總兵官一人隆慶五年

添設駐建武所分守副總兵一人鎮守雲南總兵官一

人鎮守貴州總兵官一人嘉靖三十二年加提督麻陽

等處地方職銜駐銅仁府鎮守湖廣總兵官一人鎮守

廣西總兵官一人鎮守廣東總兵官一人舊為征蠻將

軍兩廣總兵官嘉靖四十五年分設駐潮州府協守副

總兵一人提督狼山副總兵一人鎮守浙江總兵官一

人為鎮守總兵而不稱

將軍者皆非掛印也

欽定續通典

卷三十三

四安將軍

四安將軍 安東安西安南 唐時已無宋遼金元明皆無

安北謂之四安

四平將軍

平東平西平南平北謂之四平

唐宋遼皆無金泰和六年伐

宋權設平南撫軍上將軍平南冠軍大將軍平南龍驤

將軍平南虎威將軍平南盪江將軍軍還卽罷元不設

明總兵掛印稱將軍者湖廣曰平蠻將軍甘肅曰平羌

將軍

雜號將軍

五押招討

遼西南面有五押招討大將軍

冠軍

龍驤

虎威

盪江

皆金泰和六年所設

領軍

夾輅

殿前

殿外

儀衛

扈從官佐

欽定續通典

卷三十三

五

擊遊擊

皆明設佐擊唯京營有大漢屬錦衣衛

平邊

王越為平邊將軍

監軍

軍師祭酒

理曹掾屬附

唐開元後監軍之職多以中官為之宋不設遼北面官

北院都統軍司有北院統軍都監北院詳袞司有北院

都監南院亦如之近侍詳袞司有近侍都監四帳都詳

袞司

掌四帳軍馬之事

有都監其部族節度使司下有某部族

都監北面軍官大詳袞司有都監諸部署有兵馬都監

諸指揮使有某軍都監北面行軍官行軍都統所有監

軍有行軍諸部都監有監戰南面官諸指揮使司下有
某軍都監金太宗天會二年置都元帥府有元帥左監
軍一人元帥右監軍一人左都監一人右都監一人元
不設明以監察御史爲監軍亦以宦官爲監軍不常設
無定員

三署郎官敘

三署郎官漢時所置唐之各左右翊中郎府悉屬各衛
遇將軍缺則以中郎將代其職掌亦爲上將軍大將軍

欽定續通典

卷三十三

六

將軍之貳大率皆供奉儀衛宿直巡警之事宋各衛中
郎將郎將皆爲環衛其皇城司亦以副使爲中郎將使
臣爲左右郎將較環衛又稍有職掌若金之殄寇中郎
將殄寇郎將專掌兵戎之官暫爲武臣之階軍罷卽廢
更非常職自唐以後皆爲武官要非前代之三署郎官
員額多而率遷他職者可比也

中郎將

五官中郎將

左右中郎將

左右中郎將

中郎將至唐時皆屬十六衛中無五官中郎將及特設
左右中郎將其親衛五府中郎將已附左右衛篇中其

左右驍衛左右翊中郎將府中郎將各一人左郎將一人右郎將一人左右武衛左右翊中郎將府中郎將各一人左郎將一人右郎將一人左右威衛左右翊中郎將府中郎將各一人左郎將一人右郎將一人左右鎮軍衛左右翊中郎將府中郎將各一人左郎將一人右郎將一人左右金吾衛左右翊中郎將府中郎將各一人左郎將一人右郎將一人其中郎將掌領府屬督京城左右六街鋪巡警以果毅二人助巡探入閣日中郎將一人升殿受狀衛士六百爲大角手六番閱習吹大

角爲昏明之節諸營壘候以進退左右監門衛左右翊中郎將府中郎將掌涖宮殿城門皆左入右出中郎將各四人左右千牛衛中郎將府中郎將掌供奉侍衛凡千牛及備身左右以御刀仗升殿供奉者皆上將軍領之中郎將佐其職有口敕通事舍人承傳聲不下聞者中郎將宣告左右羽林軍左右翊中郎將府中郎將一人左右中郎將一人左右郎將一人宋環衛官左右金

吾衛有中郎將郎將左右衛有中郎將郎將左右千牛

衛有中郎將郎將徽宗政和五年詔皇城司

所掌詳載左右金吾

衛

可初置親從第五指揮以七百人為額雙為將軍副使為中郎將使臣以下為左右郎將金元中郎將郎將為儀衛扈從之官遼明不設

虎賁中郎將

唐時已無宋遼金元明皆無

四中郎將

漢時東西南北各置中郎將唐時已無宋遼

金元明皆無

雜中郎將

欽定續通典

卷三十三

八

唐宋遼皆無金泰和六年伐宋置殄寇中郎將殄寇郎

將又有內供奉郎將

儀衛扈從之官

元明皆無

折衝府

果毅別將等附

唐制諸衛折衝都尉府每府折衝都尉一人左右果毅

都尉各一人折衝都尉掌領屬備宿衛師役則總戎具

資糧左右果毅都尉掌貳都尉宋不設遼各衛皆有折

衝都尉果毅都尉金泰和六年伐宋置殄寇折衝都尉

殄寇果毅都尉又有折衝果毅都尉內果毅都尉折衝

都尉皆為儀衛扈從之官元折衝都尉果毅都尉金吾

折衝金吾果毅亦皆儀衛扈從之官明不設

三都尉

奉車

駙馬

騎

奉朝請附

唐制奉車都尉掌馭副車有其名而無其人大陳設則

他官攝駙馬都尉無定員皆尚主者為之秩與奉車都

尉同五品上騎都尉騎都尉皆為勳官宋無奉車都尉

有駙馬都尉其上騎都尉騎都尉為勳官駙馬都尉班

在上騎都尉下與駙都尉同其朝請大夫朝請郎為文

散官遼北面官有駙馬都尉府駙馬都尉掌公主帳宅

之事無奉車都尉騎都尉金駙馬都尉秩正四品其上

欽定續通典

卷三十三

九

騎都尉騎都尉亦為勳官無奉車都尉元尚主者皆稱

駙馬都尉封王爵其上騎都尉騎都尉亦為勳官無奉

車都尉明亦無奉車都尉其駙馬都尉位在伯上凡尚

大長公主長公主公主並曰駙馬都尉惠成之間駙馬

都尉有典兵出鎮及掌府部事者

惠帝建文時梅殷為鎮守淮安總兵官李

堅為左副將軍成祖永樂時李讓掌北京行部事

以後沐昕宋琥並守備南京趙輝掌南京左府事其餘

唯奉祀孝陵攝行廟祭署宗人府事往往一充其任其

上騎都尉騎都尉並為武臣之勳官凡功臣及外戚之

封公侯伯者有流有世其才而賢者充官營總督五軍

都督府掌僉書南京守備或出充鎮守總兵官否則食
祿奉朝請而已

欽定續通典

卷三十三

十

欽定續通典卷三十三

欽定續通典卷三十三

欽定續通典卷三十四

職官

東宮官

唐制東宮官置諸坊局皆因隋制

詳見杜佑通典東宮官總敘

宋東

宮官或以他官兼或置或省其制不常有太子太師太

傅太保少師少傅少保太子賓客太子詹事左右庶子

左右諭德太子侍讀侍講

侍讀侍講皆前代所無

太子中舍人舍

人資善堂翊善贊讀直講說書皇太子宮小學教授資

善堂小學教授

翊善贊讀直講皆舊制說書而下南渡後增置

其左右春坊有

欽定續通典

卷三十四

一

主管左右春坊事一人以內臣兼同主管左右春坊事

二人以武臣兼承受官一人以內侍充遼北面官皇太

子特哩袞司有皇太子特哩袞又有皇太子祇應司南

面官東宮官有太子太師太傅太保少師少傅少保太

子賓客太子詹事少詹事丞主簿太子司直其左右春

坊多因唐宋之制金海陵天德四年置宮師府三師三

少詹事院詹事三寺十率府皆隸焉無左右春坊庶子

有左右諭德贊善元世祖至元十九年立詹事院備左

右輔翼皇太子之任置左右詹事各一人副詹事詹事

丞院判各二人吏屬六十有二人別置宮臣賓客二人左右諭德贊善各一人校書郎二人中庶子中允各一人三十一年改爲徽政院成宗大德九年復爲詹事院尋罷十一年更置詹事院以後復廢置不一文宗天歷元年改爲儲慶使司二年復爲詹事院未幾改爲儲政院院使六人同知二人僉院二人同僉二人院判二人至順帝至正六年立皇太子宮傅府九年立端本堂爲皇太子學宮置諭德一人贊善一人文學二人正字二人司經二人十三年冊立皇太子增置賓客二人中庶

欽定續通考

卷三十四

二

子中允各一人未幾復立詹事院罷宮傅府置詹事三人同知詹事二人副詹事二人丞二人首領官四人中議長史各二人管勾照磨掾史之屬員數有差明太祖洪武初置大本堂充古今圖籍其中召四方名儒訓導皇太子親王諸儒專經面授分番夜直已而太子居文華堂諸儒迭班侍從又選才俊之士入充伴讀時時賜宴賦詩商榷今古評論文學是時東宮官屬自太子三少賓客外則有左右詹事同知詹事院事副詹事詹事丞左右率府使同知左右率府事左右率府副使諭德

贊善大夫皆以勲舊大臣兼領其職又有文學中含正
字侍正洗馬庶子及贊讀等官十五年更定左右春坊
官各置庶子諭德中允贊善司直郎又各設大學士尋
定司經局官設洗馬校書正字二十二年以官聯無統
始置詹事院二十五年改院爲府凡坊局皆各有印而
事總於詹事府二十九年增設左右春坊清紀郎司諫
通事舍人惠帝建文中增少卿寺丞各一人賓客二人
又置資德院資德一人資善二人其屬贊讀贊書著作
郎各二人掌典籍一人成祖復舊制英宗初命大學士
欽定續通典

卷三十四

三

提調講讀官然明時詹事府多由他官兼掌天順以前
或尙書侍郎都御史憲宗成化以後率以禮部尙書侍
郎由翰林出身者兼掌之其協理者無常員春坊大學
士自景帝景泰間倪謙劉定之而後僅楊廷和一任之
後不復設其司直司讀清紀郎亦不常置惟世宗嘉靖
十八年以陸深爲詹事崔誥爲少詹事王教羅洪先華
察等爲諭德贊善洗馬皇甫孝唐順之等爲司直司諫
皆天下名儒自明初宋濂諸人後宮僚莫盛於此嗣是
出閣講讀每黜別員本府坊局僅爲翰林官遷轉之階

而已其南京詹事府止設主簿一人

太子六傅

三太三少

唐制太子太師太傅太保各一人掌輔導太子少師少

傅少保各一人掌曉三師德行以諭皇太子奉皇太子

以觀三師之道德自太師以下唯其人不必備

泰和初趙宗儒

進太子太傅文宗召訪政理對曰堯舜之化慈儉而已願陛下守之帝納其言又盧鈞守太子太師帝元日大

饗舍元殿鈞年八十升降如儀音吐洪暢舉朝咨歎宋太子太師太傅太保太子

少師少傅少保皆不常設仁宗升儲置三少各一人叅

政李昉兼掌賓客及升首相遂進少傅此宰相兼宮僚

欽定續通典

卷三十四

四

之始也丁謂兼少師馮拯兼少傅曹利用兼少保

時丁謂馮

拯曹利用皆為太子太傅謂請師傳等十日一赴食善堂賓客以下隻日互陪侍講學上從之是時實

為東宮官餘多以前宰執為致仕官若太子太師太傅

太保以待宰相官未至僕射者及樞密使致仕亦隨本

官高下除授太子少師少傅少保以待前執政唯少師

非經顧命不除若因遷轉則遞進一官至太師即遷司

空真宗天禧末皇太子同聽政乃以首相兼少師自後

神宗欽宗孝宗光宗在東宮皆不置寧宗開禧後建置

不常多以時宰兼之遼南面官有太子太師

太宗大同元年見太

太子太師 世宗天祿五年見 太子太保 大同元年見

太子少師 聖宗太平十一年見 太子少傅 興宗重熙

趙瑩 太子少師蕭從順 太子少保 大同元年見 金亦有太子太

師 太傅太保少師少傅少保掌保護東宮導以德義

於世宗時拜左丞兼太子少師嘗請命太子習知故事

或譖之曰琚希恩東宮世宗察其無他以此言告之琚

對曰臣本孤生蒙陛下拔擢備位執政兼師保之任臣

愚以為太子天下本當使知民事遂言及之耳因請解

少師 元東宮三師三少不恒有明太子太師太傅太保掌

以道德輔導太子而謹護翼之太子少師少傅少保掌

奉太子以觀三公之道德而教諭焉無定員無專授洪

欽定續通典 卷三十四 五

武元年太祖有事親征慮太子監國別設宮僚或生嫌

隙乃以朝臣兼宮職李善長兼太子太師徐達兼太子

少傅常遇春兼太子少保三年禮部尚書陶凱請選人

專任東宮官罷兼領庶於輔導有所責成帝諭以江充

之事可為明鑑立法兼領非無謂也由是東宮師傅止

為兼官加官及贈官惟永樂間成祖幸北京以姚廣孝

專為太子少師留輔太子自是以後終明世皆為虛銜

於太子輔導之職無與也

太子賓客

唐制太子賓客四人掌侍從規諫贊相禮儀宋仁宗至道元年建儲初置賓客二人以他官兼真宗天禧四年叅政任中正樞副錢惟演叅政王曾並兼太子賓客執政兼東宮官始此南渡後不置寧宗開禧三年景憲太子立始以執政兼賓客後復省理宗景定元年度宗升儲以朱熹皮龍榮沈炎並兼賓客遼南面官太子賓客院有太子賓客金無此官元武宗至大元年仁宗在藩邸開官師府姚燧年已七十遣正字呂誠如漢四皓故事起燧爲太子賓客明太子賓客與三師三少俱爲東

欽定續通典

卷三十四

六

宮大臣無定員無專授洪武元年太祖有事親征太子監國以治書侍御史文原吉范顯祖兼太子賓客十三年九月置四輔官以王本杜祐龔敷爲春官杜敷趙民望吳源爲夏官皆兼太子賓客

太子詹事

丞

主簿

司直

唐制詹事府詹事一人少詹事一人掌統三寺十率府之政少詹事爲之貳宋自仁宗升儲置詹事二人神宗欽宗升儲並置二人皆以他官兼登位後省孝宗乾道元年莊文太子立置詹事二人踰月詔太子詹事遇東

宮講讀日並往陪侍七年光宗正儲位以敷文閣直學士王十朋敷文閣待制陳良翰爲太子詹事不兼他官非常制也理宗景定元年度宗升儲以楊棟兼詹事遼南面官太子詹事院有太子詹事少詹事金詹事院有太子詹事少詹事掌總統東宮內外庶務世宗大定初顯宗爲皇太子子選東宮官屬張浩薦楊伯雄遂起爲少詹事後進左諫議大夫翰林直學士會太子詹事闕宰相復舉伯雄上曰伯雄不可一日去朕左右而東宮亦須輔導遂以太子詹事兼諫議伯雄知無不言匡救甚多後宮僚有詭隨者人必稱楊詹事以愧之元世祖至元時立詹事院置左右詹事各一人副詹事各二人

時完顏澤以大臣子選爲裕宗王府僚屬及裕宗爲皇太子嘗

欽定續通典

卷三十四

七

詹事長入叅謀議出掌環衛小心慎密太子甚重之又王約爲太子副詹事仁宗以詹事院諸事循軌大喜嘗字而不名諭羣臣曰事未經王彥博議者勿啟又謂中丞托迪曰在詹事而不求賜予者惟彥博與汝二人耳以後廢置不常至文宗天厯中改爲儲政院置院使六

人同知二人僉院二人同僉二人院判二人順帝至正中復立詹事院增置同知詹事二人掌輔翼皇太子之任明詹事府詹事一人少詹事二人詹事掌統府坊局之政事以輔導太子少詹事佐之凡入侍太子與坊局翰林官番直進講尙書春秋資治通鑑大學衍義貞觀政要諸書前期纂輯成章進御然後赴文華殿講讀講

讀畢率其僚屬以朝廷所處分軍國重事及撫諭諸番
恩義陳說於太子凡朝賀必先奏朝廷乃具啟本以進
其所屬府僚暨坊局官與翰林職互相兼試士修書皆
與焉孝宗時張元禎以太常卿兼翰林學士仍侍經筵
日講掌詹事府事上疏勸經筵宜講太極圖西銘
東宮兼講孝經小學孝宗欣然嘉納亟索太極圖以觀
曰天生斯人以開朕也又吳寬為詹事府詹事孝宗在
東宮學少間寬率僚屬上疏曰竊惟東宮講學自寒暑
風雨朔望令節外一歲之中不過數月一日之內不過
數刻況其間又多閒歌人生八歲出就外傳居宿於外
誠欲離近習親正人也庶民且然況有天下者乎卽曰
習讀於內終不若出就外傳親
近儒臣講明正道所得爲多也

丞唐置二人掌判府事知文武官簿假使凡勅令尚書

欽定續通典

卷三十四

八

省二坊符牒下東宮諸司者皆發焉宋無遼南面官太
子詹事院有詹事丞金亦無之元至元時詹事院有詹
事丞二人明詹事府亦有府丞二人

主簿唐置一人宋無遼南面官太子詹事院有詹事主
簿金亦無之元儲政院有照磨二人管勾二人明詹事
府主簿廳主簿一人南京詹事府主簿一人

司直唐置二人掌糾劾宮僚及率府之兵皇太子朝則
分知東西班監國則詹事庶子爲三司使司直一人與
司議郎舍人分日受理啟狀太子出則分察鹵簿之內

宋無遼南面官太子司直司有太子司直金元皆無明
春坊有左司直郎二人左清紀郎一人右春坊亦如之
俱不常設掌彈劾宮僚糾舉職事文華殿講讀畢諸臣
班退有獨留奏事及私謁者則共糾之

太子庶子

中允司議郎中舍人一舍人通事舍人諭德贊善崇文館學士

洗馬文學校書正字典膳藥藏內直典設宮門等郎

唐制左春坊左庶子二人掌侍從贊相駁正啟奏總司
經典膳藥藏內直典設宮門六局皇太子出則版奏外
辦中嚴入則解嚴右春坊右庶子二人掌侍從獻納啟

欽定續通典

卷三十四

九

奏德宗時趙宗儒罷相為太子右庶子屏居慎靜奉朝請而已遷吏部侍郎帝召見勞曰知卿杜門六年故有此宋左右庶子不常設蓋以儲闈之建隨宜制官以

備僚案多以他官兼領

仁宗出閣帝選僚佐謂宰臣曰翊善記室府屬也王皆受拜今

王尚少宜以張士遜為友令王答拜於是以前戶部郎中直昭文館為壽春王友遷諫議大夫兼太子右庶子改左庶子士遜言諸資善堂升階列拜而皇太子總跪受宜詔皇太子坐受之帝不許又邵元為穎王府翊善及東宮建為右庶子又高宗以普安郡王為皇子進封建王詔建王府置直講贊讀各一人史浩兼直講一日講周禮言膳夫掌膳羞之事歲終則會惟王及后世子之膳不會至酒正講掌飲酒之事歲終則會惟王及后之子飲酒不與焉以是知世子膳羞可以不會世子為皇太子治除起居郎兼太子右庶子又梁周翰字元褒真宗在儲宮知其名徵為左庶子因令取其所為

文章周翰
悉慕以獻
遠南面官左春坊有太子左庶子右春坊有

太子右庶子金無此官元世祖至元時置詹事院有中

庶子一人至正時宮傳府同明左右春坊有大學士及

庶子各一人大學士掌太子上奏請下啟箋及講讀之

事皆審慎而監省之左右庶子等各奉其職以從永樂時周

述進左春坊右諭德兼侍讀從皇太子居守南都上諭

之曰汝索厚重尤資匡弼太子雖聰明純謹然智或未

達行或過中必須盡言庶稱朕意仁廟居守中外無失

政德澤浹於人心述力為多宣德中陞左庶子世宗嘉

靖間童承敘為講官上御文華殿承敘進講周書立政

篇極陳王業艱難周公夾輔之忠詞意婉切上改容聽

焉及冊正儲位乃以承敘為左春坊左庶子兼翰林侍

講慎輔導之選也又鄒濟擢左春坊左庶子在輔導之

欽定續通典

卷三十四

職言無不從龍遇殊厚奉令旨授皇孫經明於啟迪又

吳寬廷對第一侍孝宗於東宮及卽位以舊臣進春坊

左庶子東宮舊臣又鄒濟擢左春坊左庶子兼翰林侍

講慎輔導之選也又鄒濟擢左春坊左庶子在輔導之

中允唐置二人宋東宮官中不設以中允為階官太宗太平

興國中和蒙擢進士第遷光祿寺丞獻所著文賦五十

軸召試中書擢太子中允又神宗熙寧初程顥以呂公

著薦為太子中允監察御史襄行前後進說神宗

以正心窒欲求賢育才為言務以誠意感動主上

遼南面官左春坊有太子中允聖宗太平五年見金無此官

元至元中立詹事院有中允一人順帝至正時宮傳府

同明左右春坊左右中允各二人太祖洪武初趙文授

教授成祖時詔選老學之士能講說者尚書蹇義以文

名上成祖召至御前面諭授左春坊左中允賜宴俾輔

仁宗於東宮文進講經史數釋明
盡應制有作悉萬箴規睿旨嘉獎

司議郎唐置三人掌侍從規諫駁正啟奏宋無此官遼南面官左春坊有太子司議郎金不設元儲政院有司議二人明左春坊有左司諫三人右春坊亦如之皆不常設掌箴誨鑒戒以拾遺補過凡有啟事於東宮與司直清紀執筆紀令旨規正其僞謬者

中舍人唐置二人貳右庶子掌侍從獻納啟奏皇太子監國下令書則畫日至春坊右庶子宣傳中舍人奉行宋至道天禧時置中舍人一人神宗欽宗升儲亦置寧

欽定續通典

卷三十四

宗嘉定初除二人遼南面官右春坊亦有太子中舍人金元明皆無明畫日正春坊式庶子宣傳中舍人奉計舍人唐置太子舍人四人掌令書表啟宋置一人或二人不常設遼南面官有太子舍人金元明皆無

通事舍人唐置八人掌導宮臣辭見承令勞問宋不設遼南面官右春坊有太子通事舍人金元皆無明置詹事府有通事舍人二人唐置八人掌導宮臣辭見承令勞問宋不設

左右諭德唐置左右各一人宋左右諭德不常設或置一人或二人多以他官兼領真宗時馮元通五經帝召見講易遷太子中允皇子

爲壽春郡王王旦又薦元宜講經資善堂乃擢左正言兼太子右諭德又仁宗以壽春郡王開府詔宰相擇耆德方正有學術之士咸薦崔遵度命與張士遜並爲王友上作七言詩以寵之儲宮建命爲左諭德又神宗出閣簡選官僚韓琦薦齊恢賢乃進左諭德又孝宗乾道七年詔庶子諭德輪日入宮遼南面官左

右春坊有左右諭德金詹事院有左右諭德掌贊諭道

德侍從文章元至元時立詹事院有左右諭德各一人

至元時焦養直以集賢院侍講學士傳太子於宮中啟沃誠至帝聞之大悅陞太子諭德又李好文爲諭德以孝經大學論語孟子中庸摘其要畧釋以經義又取史傳及先儒論說有關治體而協經旨者做真德秀大學衍義之例爲書十一卷名曰端本堂經訓明左右春坊要義奉表以進詔付端本堂命太子習焉

諭德各一人

欽定續通典

卷三十四

三

贊善唐置左右贊善大夫各五人宋有資善堂胡善高宗

特范冲歷官侍讀會皇子建國公出就傳命冲以歲獻閣侍制爲資善堂胡善而朱震兼贊讀時冲震皆名德老成極天下之選一時號稱得人遼南面官左右春坊有左右贊善大夫金亦有左贊善右贊善掌同諭德元詹事院亦有左

右贊善各二人至正時宮傅府同明左右贊善各二人

崇文館學士唐置二人宋無遼南面官左春坊文學館

有崇文館學士崇文館直學士金元明皆無

洗馬唐置司經局洗馬二人掌經籍出入侍從圖書上

東宮者皆受而藏之宋無此官遼南面官左春坊司經

局有太子洗馬

道宗大安時劉輝爲太子洗馬

金有司經正副掌經史

圖籍筆硯等事元無此官明司經局洗馬一人掌經史子集制典圖書刊輯之事立正本副本以備進覽凡天下圖冊上東宮者皆受而藏之

文學唐置三人分知經籍侍從文章宋無遼南面官司經局有太子文學金不設元至正時宮傅府置文學二人明亦不設

校書唐置四人掌校刊經史宋無遼南面官司經局有

太子校書郎

太平五年見太子校書郎張昱

金亦無之元詹事院有校

欽定續通典

卷三十四

三

書郎二人明司經局亦有校書二人

正字唐置二人宋無遼南面官司經局太子正字金不

設元宮傅府置正字二人明司經局正字二人

典膳郎唐置典膳局典膳郎二人丞二人掌進膳嘗食

丞爲之貳每夕更直於厨宋無遼北面官有皇太子祇

應司金詹事院有典食令丞承奉膳羞掌飲令丞承奉

湯茶及酒果之事元太子飲膳之事掌於家令明無

藥藏郎唐置藥藏局郎三人丞二人掌和醫藥丞爲之

貳皇太子有疾侍醫診候議方藥將進宮臣泄嘗如尚

藥局之職宋遼皆無金詹事院有侍藥奉藥承奉醫藥
元儲政院置典醫監達嚕噶齊二人卿三人太監二人
少監二人丞二人經歷知事各一人領東宮太醫修合
供進藥餌其屬廣濟提舉司達嚕噶齊一人提舉同提
舉副提舉各一人行典藥局達嚕噶齊二人大使副使
各二人典藥局達嚕噶齊一人大使副使直長各二人
明無

內直郎唐置內直局內直郎一人丞二人掌符璽衣服
繖扇几案筆硯垣墻宋遼皆無金掌寶二人掌奉寶謹

欽定續通考

卷三十四

酉

其出入侍正侍丞掌冠帶衣服左右給使之事又有內直郎
元典寶監卿太監少監丞各二人經歷知事各一人明
無

典設郎唐置典設局典設郎四人丞二人掌湯沐燈燭
汛掃鋪設宋無遼南面官左春坊典設局有典設郎金
元明皆無

宮門郎唐置宮門郎二人丞三人掌宮門管鑰宋無遼
南面官宮門局有宮門郎金元明皆無

太子家令

丞

生簿

食官署

典倉署

司藏

唐制家令寺家令一人皇太子出入則乘輅車爲導祭
祀賓客則供酒食賜予則奉金玉貨幣凡牀几茵席器
物非取於將作少府者皆供焉總食官典倉司藏三署
宋有主管左右春坊事二人以內臣兼同主管左右春
坊事二人以武臣兼承受官一人以內侍兼遼南面官
太子家令寺有太子家令金有家令掌營繕栽植鋪設
及燈燭之事元家令司家令二人掌太子飲膳供帳倉
庫又設府正司府正廢置不常明無

丞唐置二人掌判寺事宋無遼南面官太子家令寺有

欽定續通典

卷三十四

五

丞金亦有家丞掌同家令元亦置家丞三人又設府正
司府丞廢置不常明無

主簿唐置一人宋無遼亦有之金無元家令司有典簿
二人照磨一人府正司同明無
食官署唐置食官署令一人掌飲食酒醴凡四時供送
設食皆顛焉供六品以下元日冬至食於家令廚者宋
遼金皆無元儲膳司卿四人少卿二人丞二人主事二
人照磨一人掌皇太子飲膳之事明無

典倉署唐置令一人丞二人掌九穀醯醢庶羞器皿燈

燭凡園圃樹藝皆受令焉宋遼皆無金置司倉副掌倉廩出納薪炭等事元明皆無

司藏署唐置令一人丞二人掌庫藏財貨出納營繕宋遼皆無金置司藏副掌庫藏財貨出入之事元典用監卿四人大監二人少監二人經歷知事照磨各一人掌供須文成藏珍三庫內府供給緞疋寶貨等物明無

太子率更令

丞

主簿

唐制率更寺令一人掌宗族次序禮樂刑罰及漏刻之政太子釋奠講學齒胄則總其儀出入乘輅車爲導居

欽定續通典

卷三二四

七

家令之次宋無遼南面官太子率更寺有太子率更令金元明皆不設

丞唐置一人宋無遼亦有之金元明皆無

主簿唐置一人宋無遼亦有之金元明皆無

太子僕

丞

主簿

廐牧署

唐制僕寺僕一人掌車輿乘騎儀仗喪葬太子出則率廐牧令進路親馭宋無遼南面官太子僕寺有太子僕金有僕正副僕掌車馬廐牧弓箭鞍轡器物等事元置資武庫提點大使各一人掌軍器翼用庫提點大使各

一人掌鞍轡明無

丞唐置一人宋無遼金亦有之元明皆無

主簿唐置一人宋無遼亦有之金元明皆無

廐牧署唐置令一人丞二人掌車馬閑廐牧畜凡羣牧
隸東宮者皆受其職事宋遼金皆無元典牧署卿二人
太監二人少監二人丞二人經歷知事各一人掌孳畜
之事明無

左右衛率府

副率以下官屬

唐制太子左右率府率各一人掌兵仗儀衛凡諸曹及
欽定續通典

卷三十四

七

三府外府皆隸焉元日冬至皇太子朝宮臣諸方使則
率衛府之屬爲衛每月三府三衛及五府超乘番上者
配以職宋太子左右衛亦有率府率遼南面官亦有太
子左右衛率府金左右衛率府掌周衛導從儀仗元武
宗至大元年撥江南行省萬戶府精銳漢軍爲東宮衛
軍立衛率府設官十一員仁宗延祐四年始改爲中翊
府又改爲御臨親軍指揮使又以御臨非古典改爲羽
林六年復隸東宮仍爲左衛率府定置率使三人其屬
有鎮撫所鎮撫行軍督軍屯田各千戶所達嚕噶齊千

戶副千戶百戶彈壓各員又有蒙古字儒學陰陽各教授其右衛率置率使二人隸屬亦減於左屬樞密院不隸儲政院

明洪武初亦有左右率府使同知左右率府事皆以勳舊大臣兼領其職後罷

副率唐置三人長史一人唐置各率府長史以下曹曹以下職掌皆同宋左

右衛皆有副率其各率府皆無官屬元左右衛率府皆有副使明洪武初亦有左右率府副使皆以勳舊大臣

兼領其職後罷

錄事參軍唐各置一人唐後歷代皆無

欽定續通典 卷三十四 文

倉曹參軍唐各置一人歷代皆無

兵曹參軍唐各置一人歷代皆無

曹曹參軍唐各置一人歷代皆無

親府勳府翊府唐各置中郎將一人左右郎將各一人

兵曹參軍事一人唐以後歷代皆無

左右司禦率府

唐制太子左右司禦率府率各一人副率各二人其屬

官皆與左右衛率府同宋亦有左右司禦率副率副率

官存而無職司遼南面官亦有太子左右司禦率府金

元明皆無
唐制太子左右清道率府各一人副率各二人掌書
夜巡警其官屬與左右衛率府同省騎曹宋亦有左右
清道率府率副率太宗至道元年東宮置左清道率府
率副率兼左春坊謁者主贊引真宗卽位而省真宗天
禧二年又以左清道率郭承慶兼左右春坊謁者仁宗
卽位復省遼南面官亦有太子左右清道率府金元明
皆無

欽定續通典

卷三十四

九

左右監門率府

唐制太子左右監門率府率各一人副率各二人掌儲
門禁衛長史錄事兵曹與左右衛率府同倉曹曹參
軍事各一人兼領宋亦有左右監門率府率副率南渡
後以爲環衛官遼南面官亦有太子左右監門率府金
亦有左右監門掌門衛禁鑰元明皆無

左右內率府

唐制太子左右內率府率各一人副率各二人掌千牛
供奉之事長史錄事兵曹與左右衛率府同倉曹曹

參軍事各一人兼領宋亦有左右內率府率副率官存而無職司遼南面官亦有太子左右內率府金元明皆無官屬前朝正人許戰同賦十人許戰命事二十人太子旅賁中郎將皇太后孫嬖以軍置於軍前唐高宗永徽三年太子名忠改諸率府中郎將為旅賁郎郎將為翊軍郎太子廢復舊以後歷代皆無

太孫官屬附

唐至武后天授二年始置皇孫府官宋孝宗淳熙七年皇孫英國公始就傅詔置皇太子宫小學教授一人十

欽定續通典

卷三十四

三

二年詔建魏惠憲王府置小學教授二人以館職兼充掌訓皇孫既長趨朝謁則不以小學名而講習如故元世祖至元二十六年皇孫出鎮懷孟帝為選老成練達舊臣護之乃以屬王倚陛辭帝目之良久謂侍臣曰倚修潔人也左右皇孫得人矣及行營幕所在軍政肅然明成祖永樂十三年為皇太孫特選幼軍置府軍前衛設官屬指揮使五人指揮同知十人指揮僉事二十人

衛鎮撫十人經歷五人

欽定續通典卷三十四

